

四庫全書

史部

欽定四庫全書

欽定熱河志卷一百四

外記二

魏

後燕

按慕容垂滅後垂復中興號偽舊疆仍為燕有
及寶自中山北徙又都龍城由盛及熙凡傳三
世高雲養子猶冒慕容乘熙之亂以攘有其國

四主相承皆是土也今自寶以下各詳著之稽
寶初徙及雲之亡皆在晉世然是時魏有中原
久矣南海北海如風馬牛魏收編之魏史於義
較長今從其例不復以典午標題焉叙慕容寶
至慕容雲及龍城鎮將以下諸人如左

慕容寶

十六國春秋後燕錄慕容寶字道佑小字庫勾垂
第四子以晉太元二十一年嗣偽位大赦改元永

康元年八月魏太祖大舉來伐二年三月魏園中山既久將士皆思出戰趙王麟每阻其議麟既叛侍郎段平子說麟招集丁零東據和龍寶召高陽王隆及遼西王農謀去中山走保龍城隆曰今外寇方盛而內難復起百姓疑懼誠不可以拒敵北遷舊都亦事之宜然龍川地狹民貧若節用愛民務農訓典數年之中公私充實庶幾返旆克復故業如其未能則憑險自固猶足以養銳耳寶出中

山至薊殿中親近散亡略盡惟高陽王隆所領數百騎為宿衛清河王會率步騎迎寶乃盡徙薊中府庫比趨龍城魏兵追之寶不欲戰會固請逆擊之魏兵大敗會既退魏兵矜狠滋甚四月寶宿廣都黃榆谷會遣其黨分道襲隆農殺隆于帳下農被創逃遁會復勒兵攻寶侍御郎高雲襲擊敗之逃奔中山開封公詳執而殺之論功行賞以農為左僕射尋拜司空領尚書令贈高陽王隆為司徒

以高雲為建威將軍封夕陽公十月燕人有自中山至龍城者言太祖衰弱司徒德完守鄴城會德表至勸寶南還於是大簡士馬將復取中原遣將軍啟崙南視形勢三年正月啟崙還至龍城言中山已陷寶命罷兵遼西王農曰宜因成師襲庫莫奚從之北行渡繞洛水會南燕王德遣侍郎李延詣寶言魏主西上中國空虛寶大喜即日引還詔諸軍就頓不聽罷文武將士皆以家屬隨駕遼

西王農長樂王盛切諫寶曰吾計決矣敢諫者斬二月發兵龍城以慕輿騰為前軍大司馬遼西王農為中軍寶為後軍步騎三萬連營百里次於乙連長上段速骨宋赤眉等因衆心之憚征役作亂逼立高陽王崇為主寶將十餘騎奔遼西王農營營兵亦厭征役皆棄仗走寶農奔還龍城長樂王盛聞亂引兵出迎寶農僅而得免尚書頽丘王蘭汗潛與骨速等通謀引兵營龍城之東城中兵少

盛從內近城之民得丁夫萬餘乘城禦之三月連
骨攻城農恐不能守且為汗所誘夜潛出赴之明
旦攻城城上拒戰甚力連骨乃將農循城農素有
忠節威名城中恃以為強忽見在城下遂皆逃潰
實輕騎南奔連骨幽農於殿內以高陽王崇幼弱
更欲立農崇親信嚴讓出力健等殺農連骨即誅
讓等蘭汗襲擊連骨并其黨盡殺之遣使迎寶及
於薊城寶欲還北盛等皆曰汗之忠款虛實未明

不如南就范陽王合衆以取冀州若其不捷收南方之衆徐歸龍城未為晚也寶以汗祀燕宗廟所為似順欲還龍城盛勸寶宜且駐留乃遣冗從僕射李旱先往見汗寶留頓石城會汗遣左將軍蘇超奉迎陳汗忠款寶不待旱還遂行盛流涕固諫不聽留盛在後盛與將軍張真等下道避慝寶至索莫汗徑去龍城四十里汗遣弟加難帥五百騎出迎預隆公餘崇密勸寶勿前不從行數里先執崇

殺之引寶入龍城之外邱遂為汗所弑謚曰靈帝
盛僭偽位追謚寶曰惠愍皇帝廟號烈宗

慕容盛

十六國春秋後燕錄慕容盛字道運寶之庶長子
寶即位領北中郎鎮鄴進爵為王寶為蘭汗所殺
盛馳進赴哀汗以為侍中左光祿大夫親待如舊
汗兄提弟加難勸汗殺盛不從提事汗多無禮盛
因而間之太原王奇楷之子汗之外孫也汗亦宥

之以為征南將軍盛遂相與謀潛使奇逃去起兵
於建安汗遣提討之盛曰太尉素驕難信汗因更
遣撫軍將軍仇尼慕是時龍城自夏不雨至秋七
月汗日詣燕諸廟及寶神座頓首禱請委罪於提
加難加難率部兵襲仇尼慕軍汗懼遣子穆討之
穆曰慕容盛我之仇讐奇今起兵盛必為應請先
除之盛妃密以告於是偽稱疾篤汗亦止不殺穆
討提加難破之大饗將士汗穆皆醉盛夜如廁袒

而踰垣入於東宮與李旱等誅穆進攻汧斬之汧
子魯公和陳公揚分屯令支白狼盛遣李旱張真
襲誅之捉加難亡匿捕得斬之於是內外帖然宇
文拔率壯士數百來赴盛拜拔為大宗正告成於
太廟大赦盛謙抑自卑不稱尊號遂以長樂王攝
行統事諸王降爵為公初太原王竒舉兵討汧進
屯乙連盛既誅汧命罷兵竒勒兵叛盛執竒還賜
死桓王之嗣遂絕九月以慕容豪為幽州刺史鎮

肥如十月丙子盛僭即尊位大赦改元建平尊寶
后段氏為皇太后太妃丁氏為獻莊皇后正月大
赦改元長樂有犯罪者每十日一自決之高句
驪王安遣使貢方物七月拜范陽盧溥為幽州刺
史八月遼西太守李朗在郡十年威制境內恐盛
疑之累徵不赴以母在龍城未敢顯叛乃陰召魏
兵將為自安計許以郡降表請發兵詣龍城以拒
寇盛曰此必詐也召其使詰之果無事實盡滅其

族遣輔國將李旱率騎討之師次建安召旱旋師
羣臣莫測其故九月復遣之朗聞其家被誅擁二
千餘戶以自固及旱中路還謂有內變不復設備
迎魏師於北平旱追及無終斬之十二月征虜將
軍燕郡太守高湖帥戶二千降魏二年正月大赦去
皇帝號貶稱庶人天王魏遣材官將軍和拔襲幽
州刺史盧溥克之禽溥盛遣廣威將軍孟廣平拔
之無及斬魏遼西守宰而還高句驪王安事燕禮

慢二月率衆三萬伐之以驃騎大將軍熙為前鋒
襲其新城南蘇二城克之開境七百餘里徙五千
餘戶於遼西十二月立燕臺統諸部雜夷尊獻莊
丁氏為皇太后立遼西公定為皇太子大赦引見
百僚於東堂考詳器藝超拔者十有二人命百官
舉文武之士才堪佐世者各一人三年七月討庫
莫奚大虜獲而還盛懲其父寶以懦弱失國峻刑
極威舊臣莫不夷滅前將軍思悔侯段璣等因衆

心搖動潛入禁中鼓譟盛率左右出戰賊從閭中
擊傷盛足召叔父河間公熙屬後事熙未至而盛
死偽諡昭武皇帝墓號興平陵廟號中宗

慕容熙

十六國春秋後燕錄慕容熙字道文小字長生垂
少子永康初隨寶奔龍城段速骨之難諧王多被
其害熙素為高陽王崇所親愛故獨免蘭汗之篡
以熙為遼東公長樂元年拜都督中外諸軍事驃

騎大將軍尚書左僕射領中領軍及盛死羣望在
盛弟司徒尚書令平原公元而熙素得幸於丁氏
遂廢太子定密迎熙入宮以晉隆安五年八月癸
巳僭即尊位大赦改元光始改北燕臺為大單于
臺置左右輔位次尚書十二月魏虎威將軍宿庫
干攻令支中領軍宇文拔救之宿庫干拔令支而
成之二年正月干失利退走遂以拔為幽州刺史
鎮令支五月高句驪攻宿軍平州刺史歸棄城走

三年正月熙引見州郡及單于北鄙耆舊於東宮
問民間疾苦司隸部民劉瓚對問稱旨拜帶方太
守是月大治宮室十二月尊垂之貴嬪段氏為皇
太后立貴嬪苻氏為皇后大赦四年九月熙北襲
契丹大破之十二月高句驪寇燕郡五年正月熙
代高句驪不克引歸八月遼西太守邵顏有罪亡
命為盜九月中常侍郭仲討斬之十二月熙襲契
丹六年正月熙與苻后至陁北畏契丹之衆將還

符后弗聽輕兵襲高句驪不克而還夕陽公雲傷
於矢且畏熙政虐以疾去官五月寶諸子博陵公
虔上黨公昭皆以嫌疑賜死乃大城肥如及宿軍
以仇尼倪為鎮東大將軍營州刺史鎮宿軍上庸
公懿為鎮西大將軍冀州刺史鎮肥如達始元年
正月改元建始四月符后死熙哭之慟七月葬后
於徽平陵初中衛將軍馮跋坐事亡奔至是以熙
政殘虐與從兄萬泥等推夕陽公雲為主發尚方

徒五千餘人分屯四門跋弟乳陳等帥衆攻洪光
門禁衛散走遂入宮授甲閉門拒守中黃門趙洛
生等奔告熙尚方兵褚頭踰城從熙熙驚走溝下潛
匿中領軍拔謂中常侍郭仲曰大事垂捷而帝
無故自驚深可怪也然城內企遲至必成功不可
稽留吾當先往趣城卿留待帝乃分壯士二十餘
人登北城將士謂熙至皆投仗請降既而久不至
衆皆潰散拔為城中所殺熙為人執送於雲雲

殺之及其諸子同殯城北雲葬之苻氏墓偽諡昭
文皇帝

高雲

十六國春秋後燕錄慕容雲字子雨寶養子高句
驪之支庶也孰破高句驪徙於青山由是世為燕
臣以高為氏雲厚重寡言時人以為愚惟中衛將
軍長樂馮跋與為友寶為太子雲以武藝侍東宮
永康初拜侍御郎襲敗會軍寶遂子之賜姓慕容

氏拜建威將軍封夕陽公及熙嗣位稱疾其後因
熙出葬苻氏馮跋襲殺熙推雲為主遂以晉義熙
三年七月乙丑僭即天王位復姓高氏大赦改元
正始國仍號大燕八月署馮跋為侍中都督督中
外諸軍事征北大將軍開府儀同三司錄尚書事
封武興公二年正月立妻李氏為天后子彭城
為太子五月以尚書令馮萬泥為幽冀二州牧鎮
肥如七月封慕容歸為遼東公使主燕祀立燕之

宗廟社稷三年十月雲自以無功德而居大位內
懷危懼常蓄養壯士以為腹心爪牙寵臣離班桃
仁專典禁兵賞賜以巨萬計而班仁志願無厭猶有
怨憾雲臨東堂班仁懷劔執紙而入稱有所啟拔
劍擊雲雲以几拒班仁從旁擊雲遂被殺馮跋遷
雲屍於東宮偽諡惠懿皇帝

龍城鎮將二人

王佐

十六國春秋後燕錄燕二年閏五月命帶方太守
王佐鎮龍城

慕容農

十六國春秋後燕錄燕二年七月建節將軍餘巖
叛北趣幽州遂據令支八月垂遣驃騎將軍農出
蠡螭塞歷凡城趣龍城會兵討餘巖農至龍城休
養士馬十餘日諸將皆曰殿下之來取道甚速今
久留不進何也農曰吾速來者恐餘巖過山鈔盜

侵掠良民耳今此田善熟未收而行徒自耗損當
俟收畢住即畧之亦不出二旬耳頃之農將步騎
三萬攻令支巖衆震駭稍稍踰城歸附巖計窮力
竭出城詣降農斬巖兄弟進伐高句驪復遼東元
菟二郡還屯龍城上疏請繕修陵廟垂以農為使
持節都督幽平二州北狄諸軍事幽州牧鎮龍城
徙平州刺史帶方太守王佐鎮平郭

龍城留臺尚書二人兼留臺尚書二人

慕容隆 平幼 封孚

十六國春秋後燕錄建興四年正月遼西王農在
龍城五年表請代還召農還為侍中司隸校尉以
高陽王隆為都督幽平二州諸軍事征北大將軍
幽州牧建留臺於龍城以隆錄留臺尚書事又以
護軍將軍平幼為征北長史散騎常侍封孚為司
馬並兼留臺尚書

慕容會

十六國春秋後燕錄建興十年十二月以清河公會錄留臺事領幽州刺史代高陽王隆鎮龍城

按會本傳建興初封公未幾進爵為王

凡城鎮將一人

衛駒

十六國春秋後燕錄光始三年十二月以光祿大夫衛駒為并州刺史鎮凡城

白狼城鎮將一人

馮汝陳

十六國春秋後燕錄正始二年五月以中軍將軍

馮汝陳為并州刺史

馮汝陳傳
作并州牧

鎮白狼

宿軍城鎮將二人

慕容歸

十六國春秋後燕錄光始二年五月高句驪攻宿

軍平州刺史歸棄城走

仇尼倪

十六國春秋後燕錄光始六年五月以仇尼倪爲
鎮東大將軍營州刺史鎮宿軍

新城鎮將一人

悅真

十六國春秋後燕錄光始三年十二月以衛尉悅
真爲青州刺史鎮新城

昌黎尹二人

留忠

十六國春秋後燕錄長樂元年正月昌黎尹留忠
謀反伏誅

馮素弗

十六國春秋後燕錄正始元年八月署馮素弗為

昌黎尹撫軍大將軍

昌黎太守二人

崔適

十六國春秋後燕錄崔適字寧祖有名於時仕垂

尚書左丞范陽昌黎二郡太守

按崔適北史作崔裔以字寧祖推之適蓋適之
譌當以北史為正

賈彝

十六國春秋後燕錄賈彝字彥倫弱冠仕垂遼西
王農記室參軍魏太祖聞其名嘗遣使求之垂彌
增器重更加寵秩遷驃騎長史帶昌黎太守

石城令一人

高和

十六國春秋後燕錄光始二年十一月狩於北原
石城令高和與尚方兵作亂

附錄

十六國春秋後燕錄建興三年三月趙王麟擊許
謙破之謙奔西燕遂廢代郡悉徙其民於龍城五
年九月北平吳桂聚衆千餘立沙門為天子攻破
北平轉寇廣都入白狼城高陽王隆方葬其夫人

郡縣守宰皆來會衆聞桂反請陰還城遣大兵討之隆曰今閭閻安業民不思亂桂等以詐謀惑愚夫誘脅相聚無能為也遂留墓訖遣北平太守廣和令先歸續遣安昌侯進將百餘騎趨白狼城桂衆聞之皆潰窮捕斬之十一年二月平翰率衆趨龍城清河公會遣東陽公根等擊翰破之長樂元年正月遣中衛將軍衛雙就誅幽州刺史留志於凡城

北燕

按馮氏竊據承燕故土江南所謂黃龍國主也
文起文通兄弟相及二十八年茲節敘大槩暨
龍城守將以下如左

馮跋

十六國春秋北燕錄馮跋字文起長樂信都人小
字乞直伐永嘉之亂跋祖父和避地上黨父安雄
武有局量慕容永僭號以安為征東將軍永為垂

所滅安東徙和龍家於長谷跋母弟素弗次丕次
宏皆不修行業惟跋恭慎父母器之既而家於昌
黎永康末慕容寶僭號署為殿中左監稍遷衛中
郎將中衛將軍熙即偽位密欲誅跋兄弟跋懼禍
遂與諸弟亡命與萬泥等二十二人結盟跋與二
弟乘車使婦人御之潛入龍城匿於北部司馬孫
護家因而殺熙立夕陽公高雲為主跋進為使持
節侍中都督中外諸軍事征北大將軍開府儀同

三司錄尚書事封武邑公事無大小皆決於跋兄
弟高雲爲幸臣離班桃仁所殺跋并洪光門以觀
變帳下督張泰李桑斬班於西門殺仁於庭中羣
僚請跋爲主遂以晉太元二十年僭即天王位於
昌黎大赦卽國號曰燕建元太平分遣使者巡行
郡國觀察風俗尊母張氏爲皇太后立妻孫氏爲
皇后子永爲皇太子二年二月萬泥與乳陳自以
宗室至親並有大功當入爲公輔久而不得阻兵

俱叛跋命將討之俘斬無遺八月跋以禮葬雲及其妻子立雲廟於韭町置園邑二十家三年正月蛛蠕勇斛律遣使獻馬三千匹求跋女樂浪公主遣遊擊將軍秦都率騎二千送女歸於蛛蠕庫莫奚虞出庫真率三千餘落請交市獻馬千匹許之處之于營邱分遣使者巡行郡國孤老久病不能自存者賑穀帛有差孝弟力田閨門和順者皆褒顯之七月遣太常丞劉軒徙北部人五百戶於長

谷為祖父園邑以太子永領大單于置四輔都尉
跋勵意農桑勤心政事每遣守宰必親見東堂問
為政之要六年五月契丹庫莫奚來奔署其大人
為歸善王八月魏使謁者于什門來聘跋留之八
年建太學以長樂劉軒營邱長熾成周翟崇為博
士郎中簡二千石以下子弟年十三以上者教之
九年自三月不雨至六月跋減膳徹懸大赦十一
月蝗蠕大檀遣使獻馬三千匹羊萬口厚禮其使

而遣之十年四月和龍有赤氣四塞蔽日自寅至
申太史令張穆曰此兵氣也五月太宗遣征東大
將軍長孫道生率精騎二萬來伐襲乙連城克之
進攻和龍跋嬰城固守魏攻之不克掠其民萬餘
家而去十一年三月穴國遣使來朝十八年八月
太子永卒立次子翼為太子十九年二月丁零氏
楊道來降二十二年八月跋寢疾召中書監申秀
侍中楊哲謂之曰吾患當不濟卿等善相吾子九

月命太子翼攝國事勒兵聽政以備非常跋妄宋
夫人規立其子受居惡翼聽政謂之曰主上病將
瘳奈何便欲代父臨天下乎翼性仁弱遂還東宮
一日三往省疾宋夫人矯詔遏絕內外中給事胡
福掌禁衛言於司徒錄尚書事中山公宏曰宋夫
人專擅恐一旦不諱國家殊未得安宏深然之於
是與壯士數十人裹甲入禁中為亂跋驚懼死宏
遂即天王位太子翼率東宮兵出戰敗績宏賜翼

金史卷八十三
死跋有子百餘人皆殺之墓跋於長谷陵偽謚文
成皇帝廟號太祖

按馮跋之立當晉安帝義熙五年此云晉太元
二十年者誤又後燕錄言慕容熙滅于義熙三
年與此亦不合乃紀載之疎也

馮宏

十六國春秋北燕錄馮宏字文通跋季弟跋死僭
即天王位元年正月大赦改元太興二月立夫人

慕容氏為皇后二年正月立慕容后子王仁為太子六月世祖來伐七月至遼西宏遣侍御史崔聘奉牛酒犒師世祖至和龍石城等十郡迎降世祖發其民三萬穿圍塹以守和龍八月攻建德冀陽拔之九月世祖引師還十一月黜長樂公崇使鎮肥如十二月崇遣弟樂陵公邈如魏請舉部降宏聞之使別將封羽率衆圍崇於遼西三年正月世祖遣撫軍大將軍永昌王健救遼西六月世祖遣

諸軍擊和龍別將圍凡城凡城降八月崇上表於
魏請求說降其父世祖不許四年正月宏遣給事
黃門侍郎伊臣請和於魏世祖不許三月宏遣尚
書高顯上表稱藩請罪於魏乞以季女充奉掖庭
世祖許之乃徵太子王仁入朝宏不遣散騎常侍
劉滋諫宏怒殺之世祖遣諸軍來伐宏嬰城固守
五年正月宏數為魏所攻稱藩奉貢於宋宋封宏
為燕王江南謂之黃龍國三月遣大將軍湯燭入

貢于魏辭以太子王仁有疾故未遣四月乞師於
建康六月世祖遣騎四萬來伐七月至和龍宏以
牛酒犒師十二月魏復率衆來伐宏日就蹙削上
下危懼密遣尚書陽伊求迎於高麗六年二月宏
遣使入貢於魏請送侍子世祖不許將舉兵討之
遣使者十餘輩詣東方高麗等諸國告諭之三月
世祖遣騎一萬攻白狼城遼西諸軍會之四月克
白狼城宏迫急復遣使求迎於高麗高麗王璉遣

大將葛居盧孟光等率衆數萬隨陽伊至和龍來迎宏欲東奔民多難之大臣單于右輔古泥及尚書令郭生開城門納魏兵魏兵疑古泥詐不敢入城生遂勒兵攻宏宏引高麗兵入自東門與生戰於闕下生中流矢死五月宏率和龍見戶東徙焚燒宮殿宏至遼東高麗王處之平郭尋徙北豐宏素侮高麗政刑賞罰不以敘猶如其國高麗王奪其侍人取太子王仁為質宏怒遣使上表求迎於

建康詔遣使者王白駒等迎之并令高麗王不欲
宏南來遣別將孫漱高仇等殺之於北豐子孫同
時死者十餘人偽謚昭成皇帝

凡城守將一人

封羽

十六國春秋北燕錄太興三年六月魏圍凡城凡
城守將封羽以成迎降

昌黎尹一人

孫伯仁

十六國春秋北燕錄太平七年十一月跋殺尚書
令孫護弟昌黎尹伯仁

石城太守一人

李崇

十六國春秋北燕錄李崇仕跋吏部尚書石城太
守魏世祖至和龍崇帥十餘郡歸降

建德太守一人

王融

十六國春秋北燕錄大興二年七月世祖至和龍

建德太守王融率衆迎降

建德令一人

高育

魏書高道悅傳祖育馮文通建德令值世祖東討

率其所部五百餘家歸命軍門

契丹

按契丹興於後魏分為八部皆奇首可汗之後其地尚在今朝陽縣北境外至其別部入附白狼水東者始居朝陽縣境若庫莫奚亦鎮居安營二州之地其部長名氏尠可考故不備錄

莫賀弗勿于

魏書契丹傳顯祖時各以其名馬文皮獻天府得文市於和龍密雲之間太和三年高句驪竊與蠕蠕謀欲取地豆干以分之契丹懼其侵軼莫賀弗

勿于率其部落車三千乘衆萬餘口驅徙雜畜求
入內附止于白狼水東

按契丹八部曰悉萬丹部何大何部伏弗郁部
羽陵部日連部匹紮部黎部吐六于部即遼史
所謂古八部也其莫賀弗勿于爲何部之首長
亦未詳

北齊

庫莫奚

按高齊立國二十八年大率以西備開隴爲事
未遑東略奚與契丹亦叛服不常茲但就奚部
中可考者錄之


阿會氏

北史庫莫奚傳齊受魏禪歲時來朝其後種類漸
多分爲五部一曰辱紇主二曰莫賀弗三曰契箇
四曰木昆五曰室得每部一人爲其帥隨逐水草
頗同突厥有阿會氏五部中爲盛諸部皆歸之

按庫莫奚之分為五部周書載於大統以前則當在魏末隋書載于大業以前又似在隋初茲據北史列於齊代至周時之庫莫奚契丹於史傳無名字可考故缺之

又按魏書及北史並言庫莫奚東部宇文之別種周書言鮮卑之別種宇文氏即鮮卑三史去奚之先未遠必有所攷至舊唐書云奚蓋匈奴之別種新唐書云奚蓋烏丸蹋頓之後與前說

互異歲代已遙未足為據也



欽定熱河志卷一百四

欽定四庫全書

史部

欽定熱河志卷一百

五至七

詳校官編修

臣曹城

檢討

臣德生覆勘

總校官舉人

臣章維桓

校對官編修

臣勵守謙

膳錄監生

臣曹洪梁

欽定四庫全書

欽定熱河志卷一百五

外記三

隋

契丹

按北魏以後突厥始強威服塞外諸國齊周皆
傾府藏以給之隨初營州高寶寧為患沙鉢略
可汗與之合軍攻陷臨榆鎮隋書奚傳稱奚臣

於突厥契丹傳稱契丹為突厥所逼又契丹別
部皆突厥來降其託紇臣水契丹十部突厥沙
鉢略遣吐屯潘埒統之則今承德府全境雖分
屬奚與契丹寔為突厥之屬國然沙鉢略遠居
西北自在今境之外亦如檀石槐軻比能之遙
制無容列入茲但錄契丹部長於篇奚於隋代
無名氏可考故亦缺之

莫賀弗

隋書高祖紀開皇四年五月癸酉契丹主莫賀弗遣使請降九月內附契丹傳當後魏時為高麗所侵部落萬餘口求內附止於白貌河其後為突厥所逼又以萬家寄於高麗開皇四年率諸莫賀弗來謁五年悉其衆款塞高祖納之聽居其故地

按白貌河北史作白狼河隋書字誤本紀稱契丹主莫賀弗請降列傳作率諸莫賀弗來謁而其先在後魏時內附者已有莫賀弗勿于疑所

謂莫賀弗者如靺鞨渠帥稱大莫弗庫莫奚渠
渠帥稱俟斤之類乃契丹酋長之總稱也至庫
莫奚傳第二部亦曰莫賀弗其部落各別蓋名
偶同耳

多彌

隋書高祖紀開皇五年四月甲午契丹主多彌遣
使貢方物

按隋開皇四年莫賀弗內附而五年又有多彌

遣貢之事其事之同異及多彌為何部首長俱
無可考

出伏

隋書契丹傳契丹別部出伏等背高麗率衆內附
高祖納之

唐

奚

按烏桓鮮卑迭盛於漢魏晉間烏桓微弱已無

部落可考鮮卑之後為奚契丹又盛於唐仍錯處今承德府全境內奚後分東西二部西奚居媯州北山在今境外其酋帥見於五代史者不備載載其牙帳在吐護真河

即今老河源出平泉州經赤峰建昌

朝陽諸縣境者

蘇支

舊唐書奚傳貞觀二十二年酋長可度者率其所部內屬以可度者為右領軍兼饒樂都督封樓煩

縣公賜姓李氏顯慶初又授右監門大將軍

匹帝

唐書奚傳顯慶間可度者死奚遂叛五年以定襄
都督阿史得樞賓左武侯將軍延陀梯真居延州
都督李含珠為冷陁道行軍總管明年詔尚書右
丞崔餘慶持節總護定襄等三都督討之奚懼乞
降斬其王匹帝

李大輔

舊唐書竇傳景雲元年其首領李大輔遣使貢方
物睿宗嘉之宴賜甚厚延和元年左羽林將軍檢
校幽州大都督孫儉率兵十二萬以襲其部落師
次冷硯前軍右驍衛將軍李楷洛等與大輔會戰
我師敗績儉懼不敢進敕遣使矯報大輔云我奉
勅來此招諭大輔曰將軍可還無相驚擾儉軍漸
失部伍大輔乃率衆逼之由是大敗開元三年大
輔遣其大臣粵蘓梅落來請降詔復立其地為饒

樂州封大輔為饒樂郡王仍拜左金吾員外大將軍饒樂州都督五年大輔與契丹首領松漠郡王李實貴舊作失活見遼史今改正咸請於柳城依舊置營州都督府上從之其年大輔入朝詔封從外甥女辛氏為固安公主以妻之賜物一千五百足遣右領軍將軍李濟持節送還蕃

按大輔新唐書作大酺舊唐書本紀開元五年亦作大酺孫儉新唐書作孫佺舊唐書孫處約

傳亦作佺其作輔作儉者蓋字之譌開元三年
新唐書作二年粵蘓梅落作粵蘓悔落五年尚
主作二年許尚主明年入朝成昏考新舊唐書
開元二年七月薛納為奚契丹所敗則是年無
乞降事可知新唐書本紀開元四年八月奚契
丹降則前兩年無許昏入朝事可知舊唐書本
紀開元五年三月丁巳以辛景初女封為固安
縣主妻於奚首領饒樂王大輔蓋乞降在三年

入朝在四年八月尚主在五年三月丁巳舊唐書乎此一事最為詳覈新唐書契丹傳開元二年實貴來歸後二年與奚長李大酺皆來此即開元四年八月書奚契丹降時事也許尚公主當在此時

魯蘓

舊唐書奚傳開元八年大輔率兵救契丹戰死其弟魯蘓嗣立十年入朝詔令襲其兄饒樂郡王右

金吾員外大將軍兼保塞軍經略大使賜物一千
段仍以固安公主為妻而公主與嫡母未和通相
論告詔令離昏復以成安公主之女韋氏為東光
公主以妻之十四年又改封魯蘓為奉誠王授右
羽林軍員外將軍十八年奚衆為契丹衙官可罕
于所脅後叛降突厥魯蘓不能制走投渝闕公主
奔歸平盧軍

李詩 瑣高

舊唐書奚傳開元二十年信安王禕奉詔討叛奚
奚酋長李詩瑣高等以其部落五千帳來降詔封
李詩為歸義王兼特進右羽林軍大將軍同正仍
充歸義州都督賜物十萬匹移其部落於幽州界
安置

李延寵

唐書奚傳李詩死子延寵嗣又叛為幽州張守珪
所困延寵降復拜饒樂都督懷信王以宗室出女

楊為宜芳公主妻之延寵殺公主復叛

怒皆

舊唐書王忠嗣傳天寶元載與奚怒皆戰於桑乾

河三敗之

蘓庫

舊作娑固見
遼史今改正

舊唐書奚傳天寶五載封其王蘓庫為昭信王仍

授饒樂都督

按唐有兩李蘓庫開元三年契丹首領李寶貴

率種落內附實貴死弟蘓庫代領其衆又天寶
五載封奚國王蘓庫為昭信王兩國俱經太宗
賜姓當時皆稱李氏也

李日越

唐書奚傳安祿山節度范陽詭邊功數虜闖誅其
君李日越

按張九齡集有勅奚都督李歸國書二篇文苑
英華蕃書門亦載之歸國作歸圖其人在元宗

時而新舊唐皆不載附錄於此

啜刺

舊唐書德宗紀貞元十一年夏四月丙寅幽州劉
濟奏大破奚王啜刺等六萬餘衆

君梅落 索氏 沒辱孤

唐書奚傳元和元年君梅落身入朝拜檢校司空
歸誠郡王以部酋索氏為左威衛將軍檀薊州遊
奕兵馬使沒辱孤平州遊奕兵馬使皆賜姓李氏

按舊唐書索氏作索低無沒辱孤名檀薊州作
檀薊兩州義較明

茹羯

唐書奚傳太和四年復盜邊盧龍李戴義破之執
大將二百餘人縛其帥茹羯來獻文宗賜冠帶授
右驍衛將軍

按舊唐書太宗紀太和四年九月以投來奚王
茹羯為右驍衛將軍正同據此則茹羯是投來

之王非縛獻之帥也未詳孰是

匿舍朗

唐書奚傳後五年太守領匿舍朗來朝

太和九年也

按舊唐書回紇列傳大中元年遏捻可汗有衆五千以上其食用牛羊皆取給於奚王碩舍朗新唐書回紇傳同大中初距太和末纔十二年碩與匿聲相近蓋一人又李商隱為營陽公賀幽州破奚寇表稱舊奚王匿即其事亦在大中

初卽字當是朗字之譌脫去舍字耳

突董蘓 薩葛

唐書奚傳咸通九年其王突董蘓使大都督薩葛

入朝

契丹

按唐地理志營州西北一百八十里松陁嶺其
西奚其東契丹故地跨今承德府境內僅十之
三四然舊唐書安祿山傳渡吐護真河三百里

就潢水南契丹衙與之戰則其王牙帳固在今境內也故酋帥姓名悉錄於篇

咄羅

舊唐書契丹傳武德六年其君長咄羅遣使貢名

馬豐貂

摩會

舊唐書契丹傳貞觀二年其君摩會率其部落來

降

唐書契丹傳 明年摩會復入朝賜鼓纛

貞觀三年

窟哥 祐莫離

舊唐書契丹傳 太宗伐高麗至營州會其君長及
老人等賜物各有差授其蕃長窟哥為左武衛將
軍二十二年窟哥等部咸請內屬乃置松漠都督
府以窟哥為左領軍將軍兼松漠都督府無極縣
男賜姓李氏顯慶初又拜窟哥左監門大將軍其
曾孫祐莫離則天時歷左衛將軍兼檢校彈汗州

刺史歸順郡王

按祐莫離新唐書作祐莫離傳寫之訛

辱紇主曲據

唐書契丹傳大酋辱紇主曲據率衆歸即其部為
元州拜曲據刺史隸營州都督府未幾窟哥舉部
內屬乃置松漠都督府以達稽部為峭落州紇便
部為彈汗州獨活部為無逢州芬間部為羽陵州
突便部為日蓮州芮部部為徒河州墜斤部為萬

丹州伏部為匹黎赤山二州俱隸松漠府即以辱
紇主為之刺史

按諸州乃契丹八部全境以領于二月故備錄
之其地則不盡在今境內也

孫教曹

舊唐書契丹傳契丹有別部首帥孫教曹初仕隋
為金紫光祿大夫武德四年與靺鞨靺首長突地稽
俱遣使內附詔令於營州城傍安置授雲麾將軍

行遼州總管

阿卜固

唐書契丹傳窟哥死與奚連叛行軍總管阿史德
樞賓等執松漠都督阿卜固獻東都

按舊唐書薛仁貴傳與辛文陵破契丹於黑山
擒契丹王阿卜固而新書言阿史德樞賓等以
大帥主名也

孫萬榮 李盡忠

唐書契丹傳窟哥孫曰盡忠為武衛大將軍松漠
都督而敎曹有孫曰萬榮為歸誠刺史於是營州
都督趙文翹驕奢數侵侮其下盡忠等皆怨望即
共舉兵殺文翹盜營州反盡忠自號無上可汗以
萬榮為將縱兵四掠所向輒下不重決衆數萬攻
崇州執討擊副使許欽寂武后怒詔鷹揚將軍曹
仁師金吾大將軍張元遇右武衛大將軍李多祚
司農少卿麻仁節等二十八將擊之更號萬榮曰

萬斬盡忠曰滅諸將戰西峽石驪谷王師敗績元
遇仁節皆為所擒進攻平州不克后乃以右武衛
將軍建安王武攸宜為清邊道大總管擊契丹萬
榮夜襲檀州清道副總管擊張九節募死士數百
簿戰萬榮敗而走山俄而盡忠死突厥默啜襲破
其部萬榮敗散兵復振使別將賂務整何阿小入
冀州殺刺史陸寶積掠數千人武后聞盡忠死更
詔夏官尚書王孝傑羽衛將軍蘇宏暉率十七萬

討契丹戰東峽師敗孝傑死之萬榮席已勝遂屠
幽州攸宜遣將討捕不能克乃命右金吾大將軍
河內郡王武懿宗為神兵道大總管右肅政臺御
史大夫婁師德為清邊大總管右武衛大將軍沙
吒忠義為清邊道前軍總管兵凡二十萬擊賊萬
榮鼓而南殘瀛州屬縣神兵道總管楊元基率奚
軍掩其尾契丹大敗獲何阿小降別將李楷固駱
務整收械仗如積萬榮委軍走殘隊復合與奚搏

奚四面攻乃大潰萬榮左馳張九節為三伏以伺
之萬榮窮與家奴輕騎走潞河東憊甚卧林下奴
斬其首九節傳之東都餘衆潰契丹不能立遂附
突厥

按舊唐書則天皇后紀與此略同其契丹傳趙
文翹作趙翹脫文字攻崇州作進逼檀州西峽
黃石驪谷作西峽石谷王孝傑等所領十七萬
武懿宗等所領二十萬作三十萬至盡忠死在

王孝傑領兵前舊書則云在武懿宗領兵後楊
元基率奚軍掩其尾舊書則云奚及突厥之衆
掩擊其後紀載互殊皆當以新書為正

李愬固 駱務整

舊唐書狄仁傑傳六月左玉鈐衛大將軍李愬固
右武衛將軍駱務整討契丹餘衆擒之獻俘於含
樞殿則天大悅特賜愬固姓武氏愬固務整並契
丹李盡忠別師也初盡忠之作亂愬固等屢率兵

以陷官軍後兵敗來降有司斷以極法仁傑議以
為楷固等並有驍將之才若恕其死必能感恩効
節又奏請授其官爵委以專征制並從之及楷固
等凱旋則天召仁傑預宴因舉觴親勸歸賞於仁
傑授楷固左玉鈐衛大將軍賜爵燕國公

實貴

舊作失活
今改正

舊唐書契丹傳開元三年其首領李實貴以默啜
政衰率種落內附實貴即盡忠之從父弟也於是

復置松漠都督府封實貴為松漠郡王拜左金吾
衛大將軍兼松漠都督明年實貴入朝封宗室外
甥生女楊氏為永樂公主以妻之

遼史世表實貴元宗賜丹書鐵券開元四年與奚
長李大輔偕來六年卒

蘓庫

舊作安國
今改正

舊唐書契丹傳實貴死實貴從父弟蘓庫代統其
衆遣使冊立仍令襲其兄官爵蘓庫大臣格圖肯

舊作可突驍勇頗得衆心蘓庫謀欲除之格圖肯
于今改正

反攻蘓庫蘓庫奔營州都督許欽澹令薛泰率驍
勇五百人又徵奚王李大輔者及蘓庫合衆以討
格圖肯官軍不利蘓庫大輔臨庫皆為格圖肯所
殺

遼史世表蘓庫實貴之弟帝以蘓庫襲爵開元七
年十一月蘓庫與公主來朝

裕雲

舊作鬱于
今改正

舊唐書契丹傳裕雲病死弟托雲代統其衆襲兄
官爵復以燕郡公主為妻托雲與格圖肯復相猜
沮開元十三年携公主來奔便不敢還改封遼陽
郡王因留宿衛

遼史世表托雲裕雲之弟襲官爵

實古

舊作邵國
今改正

舊唐書契丹傳開元十三年格圖肯立李盡忠弟
實古為主其冬車駕東巡實古詣行在所因從至

岳下拜左羽林軍員外大將軍靜析軍經略大使
改封廣化郡王又封皇從外甥女陳氏為東華公
主以妻之實古還蕃十八年格圖肯殺實古

遼史世表實古托雲之弟國人共立之開元十三
年以陳氏為東光公主下嫁十八年為格圖肯所
弑以其衆降突厥東光公主走平盧

按唐書東華公主遼史作東光未知孰是

庫烈

舊作屈烈又作
屈列今改正

格圖肯

舊作可突
于今改正

唐書契丹傳格圖肯來不為宰相李元紘所禮鞅
鞅去張說曰彼獸心者惟利是尚且方持國下所
附也不假以禮不來矣後三年格圖肯殺實古立
庫烈為主脅奚衆共突厥

遼史世表庫烈不知其世系格圖肯立之開元二
十二年六月幽州節度使張守珪大破格圖肯十
二月又破之斬庫烈及格圖肯等傳首東都餘衆
散走山谷

按庫烈張九齡集作據埒聲轉成訛故紀載互

殊耳

李克珍

舊作李過
折今改正

拉恰

舊作刺乾
今改正

唐書契丹傳衙官李克珍與格圖肯內不平守珪

使客王悔陰邀以兵圍格圖肯克珍夜斬格圖肯

庫烈支黨數十人自歸守珪使克珍統其部拜北

平郡王為松漠都督

遼史世表克珍本契丹部長為松漠府衙官斬格

圖肯及庫烈歸唐幽州節度使張守珪立之封北

平郡王是年格圖肯餘黨聶埒弒克珍屠其家一

子拉恰走安東拜左驍衛將軍自此契丹中衰達

呼哩

舊作大賀
今改正

氏附庸於奚王以通於唐

聶埒

舊作泥禮
今改正

遼史世表聶埒耶律儼遼史書為涅里陳大任書

為雅里蓋遼太祖之始祖也

按張九齡集作涅禮開元中為松漠都督右金

吾衛大將軍拒破突厥湟禮湟里雅里皆聶埒
之訛也

李懷秀

霞魯

舊作楷洛
今改正

努爾

舊作耨里
思今改正

唐書契丹傳天寶四年契丹大酋李懷秀降拜松
漠都督封崇順王以宗室出女獨孤為靜樂公主
妻之是歲殺公主叛去范陽節度使安祿山討破
之更封其酋霞魯為恭仁王代松漠都督

遼史世表達呼哩氏微別部長克珍代之克珍尋

滅德呼勒

舊作迭刺
今改正

部長聶呼立達年蘓爾

舊作
迪輦

組里今

為蘓爾威汗

舊作阻午可
汗今改正

更號約尼

舊作
遙輦

改正

今改正

氏唐賜國姓曰李懷秀既而懷秀叛唐更封

霞魯為王而聶呼之後曰努爾蘓者左右懷秀霞

魯至於齊蘓

舊作屈戌
今改正

幾百年國勢復振

悔落拽何

舊唐書契丹傳貞元十年遣使來朝大首領悔落

拽何以下各授官放還

熱蘓

舊唐書契丹傳貞元十一年大首領熱蘓等二十

五人來朝

齊蘓

舊作屈戌
今改正

唐書契丹傳會昌二年回鶻破契丹酋齊蘓始復
內附拜雲麾將軍守右武衛將軍

遼史世表契丹王齊蘓是為伊蘭

舊作耶蘭
今改正

可汗

張仲武奏契丹舊用回鶻印乞賜聖造詔以奉國

契丹為文

錫勒

舊作習爾
今改正

遼史世表契丹王錫勒是為巴爾汗

舊作巴刺可
汗今改正

欽德

唐書契丹傳光啟時方天下盜興北疆多故乃鈔

奚室帝小小部種皆役服之欽德晚節政不競其

八部大人法常三歲代時耶律安巴堅

舊作阿保
機今改正

建鼓旗為一部不肯代自號為王而有國達呼哩

氏遂亡

五代史四夷附錄契丹後分為八部部之長號大人而常推一大人建旗鼓以統八部至其歲久或其國有災疾而畜牧衰則八部聚議以旗鼓立其次而代之某部大人約尼次立時劉仁恭據有幽州數出兵摘星嶺攻之每歲秋霜落則燒其野草契丹馬多饑死即以良馬賂仁恭求市牧地請聽盟約甚謹八部以為約尼不任事選於其衆以安

巴堅代之

遼史世表契丹王欽德錫勒之族也是為哈陶津

汗

舊作痕德董
可汗今改正

按與劉仁恭盟者唐書以為欽德五代史以為
約尼蓋唐之契丹王自窟哥至實古為達呼哩
氏自李懷秀至欽德為約尼氏遼太祖安巴堅
則世里氏也遼史太祖本紀云哈陶津汗殂羣
臣奉遺命請立太祖其世表云努爾蘇之孫曰

安巴堅功業勃興號世里氏是為遼太祖於是
世里氏與達呼哩約尼號三耶律然則唐書稱
安巴堅自號為王而有國達呼哩氏遂亡殆未
詳考達呼哩及約尼之世次歟

又按遼史稱潢河以西土河以北皆奇善汗

舊作

奇首可汗
今改正

故壤蓋契丹始祖也遼滅奚後奚王

支裔尚存蘓轍詩註記奚君宅在中京南遼史
所載奚部族及奚王實默等名猶可考然非自

為一國故不錄

欽定熱河志卷一百五

欽定四庫全書

欽定熱河志卷一百六

外記四

明

按前卷叙次及唐其遼金元三朝本境已為內地故不錄錄明代烏梁海諸酋之隸於本地者以為外記之終焉

烏梁海



按大寧故烏梁海地也元為大寧路明永樂改
北平行都司為大寧都司徙保定而以大寧故
地卑三衛隸今境者諾音舊作朵顏今改正秦寧三衛
其福餘衛不居境內故不叙錄

托爾楚

舊作脫兒火察又作脫兒察
又作脫魯忽察兒今改正

哈拉固岱

舊作哈兒兀
今改正

葉向高諾音三衛考洪武二十一年故元宗室遼

王阿拉寶哩

舊作阿里失
今改正

及諾音諸酋內附詔立

三衛自全寧抵喜峰近宣府為諾音衛以托爾楚
為指揮同知

明史諾音傳永樂元年使指揮蕭尚都齎敕諭明
年夏頭目托爾楚等隨尚都來朝貢馬命托爾楚
為左軍都督府都督僉事哈爾固岱為都督指揮
同知掌諾音衛事賜誥印冠帶及白金沙幣襲衣
明太宗實錄永樂元年十一月丙子烏梁海頭目
哈拉固岱遣其部屬托郭斯

舊作脫忽
今改正

等來朝貢

馬命禮部賜幣襲衣並賞馬直十一年十一月諾

音衛都督僉事托爾楚遣人貢馬命禮部遣指揮

多爾濟

舊作孟亮
歌今改正

等賚金帛往賜之

默爾格

舊作孟亮
歌今改正

明太宗實錄永樂三年冬十月乙丑命來朝韃靼

頭目默德格等為諾音衛副千戶賜冠帶襲衣並

銀沙綵幣有差

都哩圖

舊作都兒
歌今改正

明太宗實錄永樂五月正月癸亥諾音衛指揮都

哩圖等率所部頭目諾木衮持木

舊作奴溫塔木今改正

等

來朝貢馬賜鈔幣有差

噶布拉

舊作幹不兒今改正

明太宗實錄永樂十五年又十一月乙亥諾音衛

頭目噶布拉等來朝貢馬賜鈔有差

哲辰

舊作耆赤今改正

阿爾庫哩

舊作阿兜告哩今改正

明宣宗實錄宣德元年冬十月乙酉賜諾音衛指

揮僉事哲辰泰寧衛指揮僉事阿爾庫哩等綵幣

表裏襲衣靴襪有差

烏塔

舊作兀台
今改正

旺孔圖

舊作宅者
今改正

實都爾岱

舊作失禿兒
今改正

鼐爾巴哈

舊作乃兒不
花今改正

圖罕

舊作

禿干今
改正

和爾寶

舊作火兒
失今改正

巴罕

舊作保罕
今改正

納延特穆爾

舊作乃顏帖
木兒今改正

卓郭勒台

舊作扎忽
魯台今改

正

庫爾

舊作古里
今改正

明宣宗實錄十一月己未諾音衛故指揮僉事烏

塔子旺扎圖寶都爾岱子鼐爾巴哈圖罕子和爾
寶巴罕之孫納延特穆爾故千戶卓郭勒台子庫
爾等十六人

阿寶克特穆爾

舊作阿失帖
木兒今改正

明宣宗實錄宣德二年十二月丁巳諾音等衛指
揮僉事阿寶克特爾等來朝貢馬

旺扎勒特穆爾

舊作完者鐵
木兒今改正

明宣宗實錄宣德四年三月諾音等衛頭目旺扎

勒特穆爾等來朝貢馬七年十二月癸卯以諾音
衛指揮僉事旺扎勒特穆爾屬遣人朝貢賜勅獎
諭併賜金織文綺綵絹

哈喇哈斯

舊作哈喇哈
孫今改正

明史諾音傳宣宗七年秋以諾音頭目哈喇哈斯
恭事朝廷久加賜金綵幣表裏有差

恩楚

舊作安出
今改正

明宣宗實錄宣德七年七月戊午遣賜諾音衛都

督指揮僉事恩楚等

成格勒

舊作逞吉
史今改正

明宣宗實錄宣德七年十一月丙子諾音等衛指揮僉事成格勒等來朝貢馬十二月戊子賜諾音衛指揮僉事成格勒等鈔綵幣絹布有差

布達拉和克

舊作下哈吧
花幹今改正

明宣宗實錄宣德八年二月辛卯諾音等衛指揮布達拉和克遣千戶巴爾貢馬及方物癸卯賜諾

音等衛千戶巴爾等鈔綵幣絹布衣金織紵絲襲衣有差

多羅干

舊作朵羅
干今改正

明宣宗實錄宣德八年秋七月乙亥諾音衛都督僉事托爾楚卒其子多羅干遣人進馬且請襲職遂命多羅干為都督指揮同知陞都指揮僉事哈喇哈斯亦為都督指揮同知

明英宗實錄天順三年三月甲辰陞諾音衛都督

同知多羅千為右都督

哈瑪爾台

舊作哈瑪
歹今改正

明宣宗實錄宣德九年六月甲寅諾音衛指揮哈

瑪爾台等七人來朝且奏邊事賜鈔綵幣表裏金

織襲衣有差

巴延特穆爾

舊作伯顏帖
木兒今改正

托克托沁

舊作脫脫
赤今改正

多羅特穆爾

舊作朵羅帖
木兒今改正

珠爾噶岱

舊作只
兒瓦歹

今改正

迪錦

舊作倒斤
今改正

達蘭特穆爾

舊作朵蘭
帖木兒今

改正

章圖

舊作宅走
今改正

伯特

舊作伯台
今改正

綽爾齊

舊作拙走
今改正

呼喇呼

舊作忽烈
谷今改正

特穆爾

舊作帖
木也今

改正

博羅

舊作索羅
今改正

烏蘭阿古

舊作兀刺阿
至今改正

奇爾岱

舊作曲列
歹今改正

巢爾巴哈

舊作納兜不
花今改正

噶

爾薩

舊作歌里
子今改正

永和爾

舊作容乞
兜今改正

阿勒楚爾

岱

舊作安出兀
歹今改正

巴海

舊作把愛
今改正

威台

舊作走
塔今改

正

固哩勒

舊作若列
兜今改正

董寶哩

舊作董失
里今改正

多羅

圖

舊作桑羅
走今改正

蒙克圖

舊作北歌
走今改正

努圖克巴哈

舊作奴搭不
花今改正

賞都

阿果穆爾

舊作阿古
蠻今改正

鼎

爾章

舊作能列
占今改正

阿勒哈

舊作阿魯
花今改正

徹辰圖

舊作

扯扯
扯土今改正

實哩

舊作失來
今改正

格爾根

舊作歌魯

歌今
改正

托克托巴哈

舊作脫脫不
花今改正

哈喇塔拉

舊作

哈刺哈兒
今改正

察實

舊作擦實
今改正

格呼克

舊作歌羅
該今改正

鄂拉齊

舊作阿倫
赤今改正

訥克林

舊作捏可
來今改正

迦凌

巴

舊作赤蘭
伯今改正

巴爾台

舊作卜台
今改正

古裕

舊作歸
均今改正

正

阿爾齊默克

舊作阿兒乞
蠻今改正

穆爾岱

舊作勿
打今改正

正 布濟克

舊作卜齊
今改正

烏遜特穆爾

舊作兀孫
帖木兒今

正 改

呼圖哩

舊作歡娛
今改正

恩克特木爾

舊作俺克
帖木兒今

正 改

多和圖

舊作都忽
今改正

穆爾薩

舊作迷兒
今改正

誇

喇哈

舊作苦郎
今改正

托克托

舊作脫脫
今改正

伯勒齊

舊作

字齊今
改正

伯勒

舊作李來
今改正

阿延特穆爾

舊作奄
顏帖木

兒今
改正

呼蘭台

舊作忽蘭
今改正

伊楞烏

舊作亦剌
兀今改正

哈齊哈

舊作哈即
今改正

圖們德勒

舊作土木得
兒今改正

都

薩阿

舊作土領
今改正

蒙克

舊作猛可
今改正

桑阿

舊作顏
候今改

正

伊克特穆爾

舊作影克帖
木兒今改正

蒙克薩勒

舊作
猛克

塞兒今
改正

托克托博羅

舊作脫脫亭
兒今改正

克卜特特

格

舊作青帖帖
該今改正

滿濟勤噶

舊作滿滿劄
該今改正

按以上諸人並見明英宗憲宗實錄皆以入貢

來朝為名而陰合額森

舊作也先
今改正

輩為邊患明

網不振甘受其愚耳因其事實畧同故不贅述

僅存其名如右

特穆爾博羅

舊作帖木兒
亭羅今改正

明孝宗實錄宏治十六年正月己丑諾音衛指揮
特穆博羅等來貢並賜紗緞衣服等物

哈當

舊作花當
今改正

巴爾斯

舊作把兜
孫今改正

鄭曉吾學編正德初部落既蕃陽順陰逆累肆侵
盜諾音都督哈當求添貢其子巴爾斯深入虜掠
烏梁海諾音為大部諾音哈當為貴種十年巴爾
斯入馬蘭峪塞殺叅將陳乾遣都督桂勇討之巴
爾斯遣察克圖

舊作拙托
今改正

等來言請入貢且獻馬

贖殺乾罪未幾入寇叅將魏祥全軍覆沒

葉向高諾音三衛考兵部尚書王瓊建議諭哈當

必以巴爾斯償乾

陳乾等先戰沒馬蘭峪

乃罷兵許貢哈當

言巴爾斯已遠遁請入馬贖殺乾罪瓊初持議堅
後竟許哈當貢

明史諾音傳哈當退去屯註紅羅山匿巴爾斯使

其子達哈

舊作打哈今改正

等入朝請罪詔釋不問

明史世宗實錄嘉靖二年六月癸丑都給事中許

復禮言項諾音衛巴爾斯以逆回被虜人口守臣
言其功因授巴爾斯千戶臣竊聞巴爾斯往年殺
害叅將陳乾上未伏法而反加秩乞追奪之各守
臣曲為陳情亦宜懲戒上曰巴爾斯待後有勞績
奏來授職各邊鎮被虜逃回入守臣從實報若匿
情罔上者罪之

葉向高諾音三衛考肅皇帝立都御史孟春言巴
爾斯修貢謹又歸我人畜請予一秩詔予千戶給

事中許復禮謂不宜予事乃格是時巴爾斯與小王子婚屢誘敵入寇都督馬永禦之頗有斬獲孟春復請毋惜一官以餌敵御史盧璵疏罷之

格爾博羅

舊作革列字
羅今改正

格爾台

舊作革蘭
台今改正

鄭曉吾學編格爾台者哈當孫也哈當長子格爾博羅早死其弟巴爾斯驍勇屢謀奪適諸酋惡之不相附尋亦死哈當種人皆附格爾台格爾台遂入寇漁陽諸小關堡皆殘破嘉靖十一年九月巡

撫王大用欲通諾音與厚賂城其霧靈山不果是

時酋阿多哈喇齊

舊作阿堆哈
刊赤今改正

數入建昌喜峰太

平諸塞殺掠人畜格爾台又乞陞官兵部言大用

喜事請以毛伯溫代大用出漁陽巡撫十十年格

爾台求添貢衛三百人不許請衛二百人又不許

時時出沒塞下輒云結小王子旦夕大舉入塞會

諸達

舊作達
今改正

濟農

舊作吉農
今改正

自大同深入太原

不得已許其補前貢失斯者衛二百人

蒙克岱

舊作猛可
至今改正

明武宗實錄正德八年十二月癸亥諾音衛差頭
目蒙克岱等貢馬補賀萬壽聖節並賞綵幣等物

實琳博羅

舊作失林字
羅今改正

明武宗實錄正德十年閏四月戊寅命諾音衛所
鎮撫實琳博羅襲祖職右都督

伊克拜

舊作影克
卜今改正

明世宗實錄嘉靖八年十月丁丑諾音衛頭目伊

克拜等貢馬補賀聖節賜宴賞給如例

圖爾哈

舊作土兜
罕今改正

明世宗實錄嘉靖十六年十一月甲辰給賞諾音

衛圖爾哈等綵緞表裏有差

伊克

舊作影克
今改正

葉向高諾音三衛考嘉靖二十七年格爾台死子

伊克襲三十八年巴爾爾

舊作巴都
兒今改正

十萬騎挾諾

音苗伊克哈該

舊作哈兜
今改正

為鄉導潰牆深入明年

伊克勾巴圖爾犯一片石遊擊郭琬敗之

伯克

舊作伯萃
今改正

達哈

舊作打哈
今改正

明史諾音傳當巴爾斯犯邊時詔削其職巴爾斯
死其子伯克入貢嘉靖九年詔興伯克父爵而達
哈自以哈當子不得職怒遂先後掠冷口擦崖喜
峰間叅將袁繼勲等失於防禦皆逮治

按伯克襲父爵從巡撫順天僉都御史周期雍
奏也明實錄在嘉靖十年壬子此作九年者誤

台達爾

舊作万谷
兒今改正

明世宗實錄嘉靖十三年十一月壬辰諾音三衛

都督台建爾各差頭目雙和爾

舊作可升
兒今改正

等入

賀冬至節宴賞如例

巴爾斯哈喇

舊作伯思哈
兒今改正

明世宗實錄嘉靖三十五年六月癸卯諾音都指
揮巴爾斯哈喇引間謀數人窺邊會守備唐承恩
引兵出哨盡殺之

綽滿

舊作妙變
今改正

阿雅爾台

舊作阿牙
塔今改正

多和

舊作

董夙今
改正

明世宗實錄嘉靖四十年二月乙酉陞諾音衛正
千戶綽滿及頭目阿雅爾台俱為都指揮僉事頭
目多和為正千戶以進送人馬盈甲及報事有功
也

博羅

舊作亭字
今改正

明穆宗實錄隆慶五年正月庚戌諾音衛博羅等

補賀長至令節宴賞如例

多和倫

舊作董忽
力今改正

業向高諾音三衛考多和倫勾土蠻十萬人入寇
勢甚猖獗折牆出至棒捶崖迷失道墜坑死無算
是後督臣譚倫總兵戚繼光協謀練兵增垣控制
有方迄隆慶三衛奉職稍謹邊恃稍安

按明諾音三衛即今哈喇沁地自永樂中以大
寧地界三衛始拓地至今承德府境其間不應

有土蠻當屬土默特之訛今土默特左右翼二

旗在朝陽縣

舊塔子溝
縣北境

之東北境與喀喇沁接

壞當時三衛聯結理或然也至棒槌崖今土人
尚呼為棒槌山當即磬鍾峰自古北口外道殊
逕坦以本地人行熟路何至迷失且山不甚高
何至陞死無算皆緣中土昧于譯音傳聞失寔
以至紀載訛淆其不足憑類如此耳

圖罕

舊作通罕
今改正

明史諾音傳朶顏國罕者諾達子星哈

舊作牟愛
今改正

妻父也嘉靖四十二年古北哨卒出關為諾音所

撲殺俄圖罕叩關求賞副總兵吳鎮伏兵執之總

督楊選將為牽制星哈計乃拘繫圖罕令其子更

失為質三衛恨甚遂導諸達入掠順義及三河

昌昂

舊作長昂
今改正

明史諾音傳萬厯初諾音昌昂益強挾賞不遂數

糾衆入掠截諸番貢道十二年秋復導土蠻以四

千騎分掠三山三道溝錦州諸處守臣李松請急
剿昌昂等朝議不從僅草其月賞于是昌昂益跋
扈自恣擾諸邊十七年入寇又二年大掠獨石路
二十二年復擁衆犯中後所攻入小屯臺明年潛
入喜峰口二十九年納款請復寧前木市許之三
十四年昌昂死諸子稍長

按明實錄正統三年朵顏衛所屬哈拉該

舊作哈喇

該今改正

衛指揮納克林

舊作捏可來今改正

等來朝款有誤

字哈拉該當是人名無此衛名姑闕之

欽定熱河志卷一百六